



Pou Piblikasyon Imedya: 08/08/2023

GOUVÈNÈ KATHY HOCHUL

**GOUVÈNÈ HOCHUL, MAJISTRA ADAMS, NYCEDC, LIDÈ KOMINOTE YO DIVILGE VIZYON POU REYAMENAJMAN ISTORIK DEPO ZAM KINGSBIDGE, 200 MILYON DOLA ENVESTISMAN NAN OPÒTINITE EKONOMIK POU REZIDAN BRONX YO**

*"Ansanm pou Plan Vizyon Kingsbridge" swiv pwosesis kominote a dirije ki te angaje 4,000 moun pandan nèf mwa*

*Plan an, ki gen sipò 200 milyon dola envestisman Vil ak Eta a, dekri vizyon kominote a pou reyitilizasyon adapte Depo Zam Kingsbridge la*

*Pwojè a respekte angajman nan plan ekonomik Majistra Adams, Potansyèl pou pote plis pase 1,800 djòb ak jiska 10 milya dola nan enpak ekonomik*

Gouvènè Kathy Hochul, Majistra Vil New York, Eric Adams, Prezidan ak Direktè Egzekitif Jeneral Kòporasyon Developman Ekonomik Vil New York, Andrew Kimball, ak lidè kominotè yo jodi a te devwale prensip fondamantal pou "[Ansanm pou Plan Vizyon Kingsbridge](#)" (Together for Kingsbridge Vision Plan), ([disponib tou an panyòl](#)) ki dekri pwochen etap pou yon pwosesis ki pral gen ladan reyamenajman Depo Zam Kingsbridge (Kingsbridge Armory) istorik ak ki pa itilize depi lontan ak kreyasyon nouvo opòtinite ekonomik nan Bronx. Plan vizyon an, ki anrasinen nan priyore kominote yo epi ki baze sou endistri k ap grandi yo, konsantre sou kreye travay lokal ki soutni fanmi yo ak amelyore kalite lavi pou rezidan Kingsbridge Heights ak kominote vwazen Bronx yo.

"Apre plizyè ane ap retade sou istwa Depo Zam Kingsbridge la, nou finalman ap gade devan pou avni remakab li", **Gouvènè Hochul te deklare.** "Mwen konnen jan avni Depo Zam lan enpòtan anpil pou kominote sa a ak pou tout minisipalite The Bronx, se poutèt sa mwen te prioyize bloke 100 milyon dola nan finansman Eta a ki pral pèmèt pwojè transfòmatè sa a avanse. Nan travay avèk lidè lokal yo ak patnè nou yo nan Vil New York, Depo Zam Kingsbridge pral fiske l nan katye sa a, abòde bezwen kominote a ki gen anpil tan, ak ranfòse ekonomi lokal la epi mwen prevwa yon akò travay pwojè a pou kreye djòb sendikal ki byen peye nan sit sa a pandan n ap travay pou reyalize pwojè sa a".

Plan an, ki gen sipòte yon envestisman 200 milyon dola gras a Gouvènè Hochul ak Majistra Adams, pral enfòme demann pou pwopozisyon mwa k ap vini an pou reyamenajman Depo Zam Kingsbridge — pi gwo depo zam nan nasyon an — bay patnè prive ki enterese yo konsèy sou sa kominote a ak NYCEDC pral chèche nan yon aktivasyon alavni. Efò reyamenajman an — ki ta ka pote plis pase 1,800 djòb, ki gen ladan 1,100 djòb konstriksyon, ak jiska 10 milya dola nan enpak ekonomik nan Bronx dapre estimasyon inisyal yo — bati tou sou "[Rekonstwi, Renouvre, Reyenvante: Yon Plan pou Rekiperasyon Ekonomik Vil New York](#)", ki te priyoreze kreye djòb ak opòtinite ekonomik pou Bronx. Pwojè a reprezante tou yon lòt egzanp kolaborasyon sere ant vil ak eta ki dekri nan "[Nouvo" plan dakson komisyón New York la](#)" — envesti nan sant travay ki gen aksè a transpò publik.

Plan vizyon an baze sou plizyè priyorite prensipal devlopman ekonomik Gouvènè Hochul, tankou envestisman estratejik nan enfrastrikti, devlopman mendèv, ak sektè kwasans 21yèm syèk la pou sipòte bon djòb ki byen peye.

Efò planifikasyon pou Depo Zam Kingsbridge la gen prèske twa deseni epi gen ladan de demann pou pwopozisyon (Requests for Proposals, RFP) ki pa t rive avanse atravè Konsèy Minisipal la oswa ki pa t jwenn finansman nesesè. Pandan dènye deseni an, depo zam lan te sèvi kòm yon sant distribisyon manje ak pwovizyon ijans apre Siklòn Sandy, nan kòmansman pandemi COVID-19 la, ak apre dife nan Twin Parks. Avèk admision nan kominote a ak yon gwo angajman finansman publik Gouvènè Hochul ak Majistra Adams, "Ansanm pou Plan Vizyon Kingsbridge" reprezante yon chemen pratik ak reyalizab pou reyamenaje depo zam lan, kreye travay ki peye salè ki anvigè ak sendikal, epi bay opòtinite ekonomik pou moun ki abite nan kominote a.

"Ansanm pou Plan Vizyon Kingsbridge" se rezulta yon [pwosesis konplè ak kominotè ki te kòmanse an novanm 2022](#) epi ki gen ladan yon seri atelye publik ak opòtinite angajman ki konsevwa atelye ak oportinite pou devlope yon vizyon pataje sou fason gwo avantaj publik sa a kapab sipòte priyorite devlopman ekonomik katye a ak kominote a. Kòm yon pati nan apwòch la, angajman an te gide pa yon gwoup travay kominotè "Ansanm pou Kingsbridge" ki gen lidè katye yo, òganizasyon kominotè yo, enstitisyon kle yo, responsab eli federal ak eta yo, ak lòt — ke ko-prezidan Pierina Sanchez, Manm Konsèy Vil New York, ak Sandra Lobo, Direktris Egzekitif Jeneral Kowalisyon Kominote ak Klèje Nòdwès Bronx (Northwest Bronx Community and Clergy Coalition, NWBCCC) dirije.

Pwosesis angajman kominotè nèf mwa a te atenn plis pase 4,000 moun epi li te gen ladan:

- Plis pase 1,000 patisipan atravè kat atelye publik;
- Plis pase 900 moun ki reponn sondaj;
- Plis pase 500 manm kominote a k ap vizite depo zam lan;
- Nèf reyinyon konsèy kominotè;
- 16 ti gwoup diskisyon;
- Twa sesyon enfòmasyon publik; epi

- Kòmantè soti nan plis pase 75 pati ki gen enterè nan endistri a sou potansyèl depo zam la.

Nan pwosesis angajman an, manm kominote yo te idantifye de (2) seri priyorite kle, ki vize fòme pwopozisyon, pou avni Depo Zam Kingsbridge. Premye a se yon seri prensip fondamantal — objektif ki konkrè pou pwojè a an repons a fòs ak bezwen kominote a. Prensip fondamantal kominote a gen ladan bay jèn yo priyorite, akeyi granmoun aje, ankouraje relasyon ant jenerasyon yo, kreye travay ak richès pou travayè ak kominote ki egziste deja yo, devlope yon ekonomi lokal rejeneratè, maksimize pwopriyete kominote a, epi mete Bronx sou kat la.

Dezyèm lan se yon lis priyorite sou itilizasyon depo zam la — ki dekri endistri yo ak posiblite aktivasyon ki ka fè avanse priyorite devlopman ekonomik kominote a. Nan itilizasyon priyorite yo, manm kominote yo te idantifye yon seri endistri prefere ki t ap pèmèt depo zam lan atire gwo envestisman prive ki pèmèt transfòmasyon byen publik sa a pou tounen yon motè ekonomik dirab pou travay ak richès lokal yo. Endistri prefere sa yo enkli fim ak televizyon, fabrikasyon dirab, teknoloji emèjan, ak agrikilti iben.

Ansanm ak endistri prefere yo, manm kominote yo te idantifye yon seri itilizasyon konplemantè pou bay aksè ekitab nan sèvis ak opòtinite travay pou kominote Bronx yo. Itilizasyon konplemantè sa yo enkli fòmasyon pwofesyonèl ak yon enkibatè ti biznis; itilizasyon an detay, manje, ak bwason; rasanbleman kominote ak òganizasyon espas; espas atistik ak kiltirèl Bronx; Iwazi ak sante; ak sistèm manje dirab. Kominote a te mete aksan tou sou yon dezi tou pou pwojè a anboche talan lokal ak sendikal, ki soti nan biznis ki baze nan Bronx, epi bay rezidan yo fòmasyon pwofesyonèl.

Depo Zam Kingsbridge la ouvri an 1917 epi lame Etazini an te itilize jiska 1994 anvan li te retounen kòm pwopriyete vil la an 1996. Depo zam lan te deziyen kòm yon Monimman Vil New York an 1974 epi yo te mete I sou lis Rejis Nasyonal pou Lokal Istorik yo an 1982. Tou dènyèman, pandan kriz sante publik COVID-19 la, Depo Zam lan te sèvi kòm yon sant distribisyon manje tanporè epi, nan kòmansman ane pase a, Prezidan Minispalite Bronx lan, Vanessa Gibson, ak responsab lokal yo te itilize I pou sere pwovizyon pou moun ki te afekte akòz dife nan Twin Park North.

**Prezidan, Direktè Egzekitif Jeneral ak Komisè Empire State Development lan, Hope Knight, te deklare**, "Depo Zam Kingsbridge la gen yon pase istorik epi kounye a — finalman — yon avni klere, ki konsentre sou kominote a. Gras a angajman pèsonèl ak envestisman publik gouvènè Hochul ak Majistra Adams dirije, rezidan Bronx yo pa ka tann pou yo wè Depo Zam nan tounen yon sous opòtinite ekonomik ak devlopman yo t ap tann lontan pou katye a ak pou tout minispalite a".

**Reprezantan Adriano Espaillat te deklare**, "Anons jodi a sou 'Ansanm pou Plan Vizyon Kingsbridge' la abouti yon angajman kominotè nèf mwa sou fason pou pi byen reyimagine reyamenajman Depo Zam Kingsbridge, yon senbòl ikonik ke tout moun ki rele Bronx lakay yo renmen anpil ak cheri. Elektè mwen yo te sipòte depi lontan transfòmasyon Depo Zam Kingsbridge la nan yon motè ekonomik pou leve kominote

nou an, epi jodi a, atravè yon kolaborasyon ant pati konsène yo, responsab federal, vil ak eta yo, n ap avanse ak pwojè ekonomik ki pi transfòmatè ke Bronx te janm wè ki pral pote travay ki byen peye ak estanda travay ki pral sipòte fanmi k ap travay epi ede yo pwospere. Mwen felisite Gouvènè New York Hochul ak Majistra Vil New York Adams pou kontribisyon enpòtan yo nan Depo Zam Kingsbridge la ak tout moun ki te travay pou byen reyalize plan vizyonè reyamenajman sa a".

**Manm Asanble Jenifer Rajkumar te deklare**, "Mwen fè patenarya ak Majistra Adams pou ankouraje kwasans ekonomik nan chak kwen Vil New York, epi jodi a 'Ansannm pou Plan Vizyon Kingsbridge' la se yon etap enpòtan nan revitalize Bronx. Plan an akselere reyamenajman Depo Zam Kingsbridge pou tounen yon sant djòb ki byen peye, aktivite ekonomik, ak dinamis nan Kingsbridge Heights. Apre prèske 30 ane san aksyon, Majistra Adams ak NYCEDC te pase nèf mwa ap konvèse ak plis pase 4,000 moun nan kominote a. Atelye yo, sondaj yo, reyinyon Komisyon Kominotè yo, vizit yo, ak ti gwoup diskisyon yo pèmèt Majistra a konprann egzakteman sa kominote a vle pou sit la. Sa pral enfòme pwosesis RFP pou Vil la transfòme Depo Zam Kingsbridge la soti nan yon espas vid pou tounen yon enstitisyon yo renmen anpil nan Nòdwès Bronx".

**Prezidant Konsèy Vil New York Ia, Adrienne Adams, te deklare**, "Yon pwosesis kominote a dirije pou kreye plan reyamenajman pou Depo Zam Kingsbridge esansyèl pou yon pwojè ki gen siksè ki bay bon djòb avèk anbochaj lokal ak salè ki anvigè yo, pandan I ap amelyore kalite lavi rezidan yo. Detèmine vizyon fondamantal li atravè yon gwo angajman kominotè pati konsène yo nan katye a se yon bagay enpòtan pou atenn objektif pataje sa yo. Atravè lidèchip Manm Konsèy Sanchez, Konsèy la te yon sipòte fyè nan yon pwosesis patisipatif ki sантre priyorite kominote a epi nou te fè 12 milyon dola nan envestisman kapital bonè pou sipòte objektif sa yo. Pandan pwosesis sa a ap avanse, li pral enpòtan pou nou kontinye travay ak lidè lokal yo ak pati konsène yo pou reyalize yon vizyon ki reflete priyorite kominote a. Nou espere kontinye ak apwofondi patenarya a ki ede rive jwenn rezulta sa a".

**Manm Konsèy Vil New York, Amanda Farias, te deklare**, "Yon gwo jounen eksitan pou Bronx! Mèsi Gouvènè Hochul ak Majistra Adams pou angajman monetè yo te pran anvè Depo Zam Kingsbridge ak Bronx. Sa a se pi gwo depo zam nan Etazini epi li vini ak yon bann opòtinite ekonomik ak kiltirèl nan espas ki reyilitize sa a. Mwen espere sipòte pwosesis RFP a ak jwenn yon patnè ki travay di pou satisfè bezwen kominote nou yo epi fè depo zam lan vin tout sa li kapab! Mèsi Manm Konsèy Sanchez ak ekip NYCEDC a pou travay di nou kontinye sou pwojè sa a".

**Manm Konsèy Vil New York, Pierina Sanchez, te deklare**, "Depo Zam Kingsbridge la se yon estrikti nòb ak enkwayab ki ta ka aktive pou ofri anpil bagay nan kominote nou an ak nan Bronx. Li ta ka reprezante yon katalizè pou transfòmasyon ekonomik nan youn nan katye pandemi an plis frape epi ki te deja gen difikilte ekonomik anvan pandemi an. Li ta ka reprezante plizyè santèn djòb sendikal ki byen peye. Mwen onore pou m rejwenn majistra ak gouvènè a, vwazen nou yo ak kòlèg mwen yo nan gouvènman an pou m anonse envestisman 200 milyon dola sa a. Apre nèf mwa gwo angajman kominote a, anons sa a reprezante yon etap enpòtan ak enkwayab nan sipò

angajman kolektif nou an. Pandan n ap prepare pou nou pibliye vizyon kominote a pou Depo Zam Kingsbridge, mwen santi ke fondasyon solid n ap kòmanse a touche kè mwen".

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)